

59733  
3194

海東樂府

全



회동악

Carpentier



海東樂府序

吾東雖曰好學學者所習惟在中國書籍東國之書  
漫不識其題目故上下數千年善惡興亡之事懵然  
莫知豈可乎哉是以爲惡之人恣行不顧至有誰見  
東國通鑑之語余爲此痛逮蒙 恩譴投荒魑魅之  
與遊魚蝦之爲侶無以自遣只以書籍爲娛偶讀西  
涯樂府愛其辭旨剴切引事比勸戒明白能使人感  
發而興起有補於初學爲甚大間閱東史鮑其中可  
以資詠鑑戒者除出若干條作爲歌詩名曰海東樂  
府以教兒輩雖不敢自附於作者聊以志纂述之梗

云甫

皇明紀元萬曆丁巳杪秋下澣休翁序

休翁  
沈應教光世青陽君  
琴庵義誥子



海東樂府

借地恨

此真可為百世之恨

殷亡箕子率中國遺民五千餘人東來立國于  
朝鮮至四十代孫準燕人衛滿亡命聚黨千餘  
人東渡涓水求居西界為藩屏準信之封之百  
里令守西鄙滿誘致稍衆乃遣人詐告準曰漢  
兵十道來攻欲入宿衛遂襲準準戰不勝浮海  
南奔立國於馬韓其故地遂為滿有其後高句  
麗東明王子溫祚不容於本國與十臣南來求  
可居之地馬韓王割東北百里之地畀之是為

百濟溫祚二十七年謂諸將曰馬韓漸弱上下  
離心勢不能久倘為他有悔不可及不如先人  
取之陽為出獵潛師襲之遂并其國箕子之後  
遂絕不祀

殷墟麥已秀海東敷八條禮讓以為俗傳祚千年遙  
燕地止人適樂國東明王子窮來托君王不嫌二主  
容錫之士田為附庸古來養虎多自患逼遂并吞翻  
在眼前借衛後借濟仁賢之後竟陵晉遺恨當年費虛  
惠

金櫝引

其事有無雖不可知足見我國上世人



心之淳古也

新羅脫解王夜聞金城西始林間有鷄聲遲明  
遣人視之有金色小犢掛樹梢鷄鳴於下還以  
告王取犢開之有小男兒在其中恣貌奇偉王  
喜謂左右曰此豈非天祚我以胤乎名曰閼智  
地曰鷄林閼智七世孫味鄒遂有羅國凡三十  
七王脫解王亦是波那國人浮海而來解犢而  
出南海王聞其賢妻以女遂至王駕洛國初無  
君長聚居山野一日修楔適見龜百峯上紫纓  
垂下金合開視有六金卵不日皆化為男稚立

始生者為首露王都金海其餘五人各王五伽  
伽首露王妃許氏乃南天竺國王女渡海而至  
緋帆菟旌來泊主浦王迎入闕立為后後生九  
子令二人從其姓今之金海金氏許氏皆其子

孫至今先世之事傳以為實云

龜首峯  
在金海

金城城西白鷄鳴羅王宮中眠不成樹梢金積方取  
下中有小兒何為者羅朝好奇多神異三姓相傳從  
此始貽謀既失爭欲售不獨黃呂啓來後君不聞龜  
首峯頭紫纓垂菟帆載得君王妃至今子孫傳為實  
斯言可信還可疑畢竟鴻荒時事誰能知



再請妻 流芳遺臭

百濟蓋婁王聞都彌妻之義名都彌語曰婦人之德貞潔為先然在幽闇無人之地誘以巧言能不動心者鮮矣對曰人情不可測若臣之妻雖死不易者也王留都彌使近臣詐為王抵其家語妻曰已與都彌博賭而勝汝當從命云仍欲私之妻請更衣註飾一婢子薦之王後知見欺大怒誣都彌以羅曜其兩目置小舡泛之河更引其妻欲亂之妻曰今則良人已逝妾自不能自保敢為王辭但今有月事請俟他日王從

之妻逃之江口忽遇行舡至泊泉島其夫在此  
遂同奔高勾麗

前請歸婢子後請有月事但怒今日欺不念後日  
平生不二心耿耿留至今

鷄林臣 其心則誠忠矣訥祇裁君自立無乃  
非其時乎

新羅訥祇王有二笏一曰卜好二曰未斯欣俱  
出質於高勾麗及倭國王即位思之求得辯士  
往說之聞軟良州工朴堤上勇而謀可以濟事  
召問曰吾二笏久質倭麗何術以生還堤上曰



臣聞主憂臣辱主辱臣死臣雖無狀請行遂聘  
高勾麗說其王與卜好同歸王語堤上曰我念  
二茅如左右手今只得一臂奈何堤上曰臣雖  
驚寸既以身許國有何敢辭然高勾麗大國其  
王亦賢臣得以一言悟之若於倭當以謀結不  
可以口舌諭遂入倭國若叛者然日與未斯欣  
乘舡遊玩倭人不疑堤上勸未斯欣潛還答曰  
豈忍捨君而獨還堤上曰若能救公之命慰王  
之情則足矣安敢愛生未斯欣泣辭遁還堤上  
獨寢舟中倭人訶知縛堤上追之不及倭王怒

囚堤上鞠之曰汝何竊遣未斯欣耶堤上曰臣  
是鷄林之臣欲成吾君之志爾倭主怒曰今汝  
既為我臣而稱鷄林之臣則必具五刑若稱倭  
國之臣則必賞以重祿堤上曰寧為鷄林之犬  
狔不為倭國之臣子寧受鷄林之蜚楚不受倭  
國之爵祿倭主怒剝堤上脚刈蕪葭趨其上問  
曰汝何國臣曰鷄林之臣又使立於熱鐵上問  
之對如前倭主知不可屈燒殺之

汝何人鷄林臣來何意王笏事主憂臣當辱主辱臣  
當死白刃亦可蹈湯鑊亦不避王心載悅臣已矣



三事知 一女小慧適足為他日基禍之地矣

新羅真平王薨國人以長女德曼寃仁明敏立為主是為善德女主初唐帝賜牡丹花圖并花子真平王以示德曼對曰此花必無香氣王笑曰爾何知之對曰此花絕艷而畫無蜂蝶必是無香種其子果然及立為主一日宮西玉門池蝦蟇大集王謂左右蝦蟇怒目兵士之相吾聞西南邊谷有名玉門者意有隣兵至其谷乎命將搜之果百濟甲騎五百至其谷掩殺之又能預言死日及薨國人又立從妹勝曼是為真德

女主其後國人循故事又立真聖女主淫佚失  
政遂亡其國

蛙鳴鳴必有賊花無蝶相調詭死固有預知難合三  
如斯新羅代女治國北鷄晨家之索昧大義貴小慧  
善德沒真德繼狃故常罔知覺所以真聖主終焉祿  
國脉

城上拜 英雄豪傑曠世一有而姓名不傳可惜  
也哉

唐太宗伐高句麗大破高延壽惠真軍十五萬  
衆於安市城下仍攻其城城主堅守不下凡五



十餘日帝旌師城主拜辭於城上帝嘉其固守  
賜絹二百疋牧隱貞觀吟玄花新逢白羽箭諺  
傳太宗攻安市城矢中目云而中國史諱不直  
書固宜三國史亦不載未知牧老何從得此言  
也

孤城月暈五十日大唐天子親臨戰草枯遠左難久  
留玄花新逢白羽箭將軍介冑七尺身城上拜辭屬  
車塵久抗天威罪當誅賜絹特勵為人臣姓名恨不  
傳千春所以吾東善戰善守名中國賴有此及薩水

乙亥父德敗隋兵於薩水高勾麗朴屏守龜州  
蒙兵來攻固守三年終不下蒙將嘆其善守

### 黃昌郎

新羅人其父死於百濟黃昌年十餘學劍舞舞  
於百濟市王聞而見之遂刺王與之同死至今慶  
州傳習此舞

十餘學劍舞觀者傾一市兒心豈無以報仇輕一死  
回首笑古人舞傷真豎子

烏衙書 可為千古倭佛人主之戒

新羅昭智王十年正月十五日韋天泉寺有烏



銜書來鳴得其書書外面云開見二人死不見  
一人死王曰與其二人死孰若一人死日官奏  
云一人者王也王開視之書曰射琴匣王入宮  
射之果有人乃內殿焚修僧與王妃潛通者也  
妃與僧皆伏誅自是國俗每歲是日以糲飯祭  
烏至今猶存云

莫黑匪烏烏之惡胡為銜書向金屋一死二死開未  
開誰料琴匣藏禍胎君王酷好無君教內宮深處焚  
修闢贏得眼前見奇効後王猶且不知戒尚有燒柩  
有然後快羅朝所為誠可恠

新羅崇佛文武王以下燒葬者頗多

知己死 烈士此事何代無之

新羅真德女主時百濟義慈王使義真來侵進  
攻茂山等城羅主遣金庾信率師禦之濟兵銳  
甚庾信苦戰力竭顧謂丕寧子曰歲寒然後知  
松柏之後凋今日事急矣非子誰能奮勵出奇  
以激衆心乎丕寧子曰今於稠人之中獨屬我  
可謂知己當以死報之出語奴合節曰今日當  
上為國家下為知己死之子舉真幼有壯志必  
欲與我俱死若父子併命家人疇依若與舉真



好收吾骨歸慰母心即橫槊突陣格殺數人而  
死舉真欲赴國同死合鄧控轡止之曰大人有  
遺命負父命棄母慈可謂孝乎舉真曰見父死  
而偷生得為孝乎劒合鄧臂突陣而死合鄧曰  
所天崩矣亦交鋒死三軍感激齊進所向摧陷  
義真僅以身免庾信撫三屍笑甚痛羅主哀之  
恩賞甚渥

三軍苦戰力已竭國事安危在一決士為知己死無  
辭不然安用丈夫為丁寧一語付僕夫歸奉即君事  
也義氣所激誰能禁子死於孝奴死主流芳千々

古鳴呼遺君後親更何人有不聞者宜書紳

### 錦君夢

新羅太宗王妃文明王后金氏庾信之妹也初其姊寶姬夢登西山頂坐旋流遍國內覺與文明言之文明戲曰願買兄夢因與錦裙為直後武烈與庾信蹴鞠故踐武烈衣紐落之庾信曰吾家韋近請往綴之因與俱往置酒從容喚寶姬來綴寶姬辭曰豈可輕近貴公子乎文明乃進綴美而艷武烈悅之仍請婚遂生六男長即文武王



昨夜姊有夢今朝姊始言姊謂夢無用妹何換錦裙  
錦裙繫吉夢圓姊無福妹有緣身國母子王貴嗟夢  
直錦裙樂

落花巖 適偶然當時宮女豈無榮感義慈以誤  
國事者乎

唐高宗遣蘇定方將兵三十萬伐百濟新羅亦  
出兵應之進圍都城王與太子孝夜遁保熊津  
城王宮諸姬走大丘浦岩石上墮水死後人名  
其岩落花岩云諺傳定方攻都城輒風雨晦冥  
術者謂江龍護國所致定方以白馬為餌釣出

至今岩石上龍迹宛然尚存

落花巖截然屹立高幾尋君王長日此遊行綠鬢紅  
顏花滿眼誰知樂極生哀怨運去神龍亦不保城門  
不守旌旗倒蒼黃時事春夢亂玉碎珠沉俱草草江  
妃啼水仙泣山河不改乾坤老千年冤魂散紅白春  
來依舊傷心色君不見鮑石出遊卒遇賊辱生節死  
同亡國

龍齒湯

祿真之言乃是我國確論

新羅昭聖王十二年上大等忠恭坐政事堂注  
疑内外官請托至忠恭莫能舉措感疾而退



名醫診之曰病在心臟須服龍齒湯執事侍郎  
祿真請見曰伏聞氣體不調得非早朝晚罷蒙  
犯霧露傷榮衛之和耶忠恭曰未也祿真曰然  
則不須砭石可一言理之忠恭曰可得聞乎祿  
真曰彼梓人之作室也材大者為樑柱小者為  
椽榱偃者植者各安所施然後大厦成焉宰相  
之為政也亦然皆得其人然後王政成焉今則  
不然循私而滅公為人而擇官愛之雖不寸必  
進憎之雖有能必斥取舍勞其心是非亂其志  
不獨害於國為之者亦病矣若其當官清白滋

事恪恭杜貨賂之門絕請托之路如衡如繩不可枉以輕重曲直則國家和平身亦不勞何必區區於服餌乎忠恭悅即朝於王仍為陳之太子入賀曰君明臣直此國家之美事也

龍齒湯能愈身上疾不治心上痛藥石言能除心上疾不諧世上用世有此人還此言時無今古病無彼此三復擊節嘆至論安得更生此輩奮髯吐雄辯持以告時宰轉以達吾君悅而不繹亦已焉

草衣人

此王子名字亦不傳是何為善者之不

幸也



新羅敬順王時疆宇日蹙不能自保議降於高麗王子諫曰當與忠臣義士同死社稷可也奈何以千年社稷輕與人乎王不聽王子棄妻子徑入金剛山緝草為衣以終其身

草衣人獨在深山裡問伊誰乃是羅王子宗國昔傾覆慷慨陳大策父王不見聽慟哭遁林壑草葉緝為衣岩阿倚為屋了此百年身邈爾與世隔山中羅日月山外麗天地一言扶世教千秋立人紀凜焉秋霜烈颯焉清風起漢家壯地王與君兩人耳

進士 孤雲高舉物外乃獲從祀萬古一人耳

致遠字孤雲十二隨商舶入唐一舉登進士第  
為高駢從事為格黃巢見地中之鬼已議陰  
誅之句不覺下床由此名聞天下二十八奉使  
東還時新羅女主政紀自以壯學多有所得而  
不容於時屢倖外郡無復仕進與母兄僧賢俊  
逍遙物外後遂携家隱伽倻山世莫知所終初  
麗祖未貴致遠知其受命遂上書有鷄林黃葉  
鵲嶺青松之語後人名其屋為上書庄

十二別鷄林二十遷鷺谷觀光早破荒八幕曾草檄  
世路少知音衣錦還故鄉松青葉黃時高卧上書庄



吐學無所用物外從赤松萬疊伽倻山千古秘靈蹤  
咳唾留人間英風如昨日學宮儼從祀益見公明哲  
種稌田 道說事誠奇而此偏信則非為國之道  
矣

高麗世祖初居松嶽摩訶岬道說來見曰種稌  
之田何以種麻言訖而去世祖倒屣追之及見  
如舊識遂與登鵲嶺究山水之脉上觀天文下  
察時數曰此地明堂君又水命宜從水教作字  
時明年必生聖子宜名曰王建因化實封題其  
外云謹奉書百拜獻書予 來統合三韓之主

大原君子足下云世祖從其言築室以居是月  
有娘生太祖俗謂延慶宮基為老鼠下田形云  
其後子孫世神其術至仁宗時妙清白壽翰等  
以妖術惑上請築西京太花閣以麻繩化法謂  
之太一玉帳步法乃道誦所傳云竟化亂據平  
壤興師三年僅能平之

老鼠下田住蘇岬異氣多我欲種其稼誰使種爾麻  
五百年來王者居神僧茲記誠不差子孫傳受護其  
術紛々奇事何其多太一玉帳法竟畢記一方所以

吾聖學不語常

方言箕子王訛稼字之解  
種稼蓋曰種王之地云爾



橐駝橋 事雖近正禍流于後

高麗太祖二十五年契丹遣使遺橐五十疋王以契丹嘗與渤海連和忽生疑貳背盟殄滅此甚無道不足若知如此不如不城郭摧折聲如疾雷街童巷婦皆為之悲泣蒙使聞外城不壞曰外城猶在可謂誠服乎即令都房又壞外城初設仁都外城沿江環築浦溆植木上置樓寨高崖設鋪以為屯營上作城廊可以走馬表裡完固周遭幾數百里至今遺址尚存蒙將初攻江都還告主曰江狹積甲可渡云故仍名甲

串江

誰謂城可築土役民捐々誰謂城可保畢竟勞費撤  
麗代昔被兵八避海島中積甲江擬越築城防其衝  
立國不自強還撤不旋踵始也虜兵抗終焉虜命用  
廊摧聲如雷城塌夷為地當年周侂々纔能認遺址  
民勞迄可今可哀亦可憐怨氣感傷和怨聲上徹天  
築城尚可撤不可無使後人怨則那

開剝歎 非其心也勢不得已可歎

元宗為世子朝蒙古時憲宗皇帝南征駐蹕釣  
魚山世子自燕赴行在適

十一月一遵祖訓行勿失五百餘年蒙佛力國安民  
豐綿寶曆妖夢一惑出僧王辛毗是何求福反殃  
始謂斯道誠可尊終爲其禍難俱論吾聞三代主賢  
聖莫不祈天能永命此時無佛亦長久俗躋熙皞域  
仁壽高麗所以爲高麗未免治道難於夷無足觀真  
可嗤

避姓行 可醜可醜無乃誤計乎

麗祖狃於土俗以子聘女諱稱外姓其子孫視  
爲家法而不之恠惜哉大抵麗朝后妃多是宗  
姓或曰欲杜外戚之弊爲之云愚嘗觀王弼州



說部記此事未曰未之今亦行之否也可羞也已

同姓不相娶萬古明人倫至親尚不避禽獸乃非人

新羅古唐有叔氏

羅娶同姓諱稱叔氏

麗祖相傳為古事公然

以女嫁其男不爽狄風那有此聞道當初亦有意欲  
防外戚立此計資譙義方竟納女異姓何曾不擅勢  
一妹為后配三主身姓徒勞諱皇甫中國簡冊看可  
醜

用南人

得失可見

麗祖祖訓第八曰車峴以南公州江外山形地

勢並超背逆人心亦然彼下州郡人叅與朝廷  
與王侯國戚婚姻得秉國政則或變亂國家或  
銜統合之怨犯蹕生亂弄權亂政雖其良民不  
宜在位用事云而其後南人多仕麗朝為名公  
鉅卿勲業著稱者

車嶺南山水背走人心豈有歸服理必懷統三為一  
怨勿用南人敗我事麗祖訓戒有此語子孫遵守期  
勿改南人相繼立麗代未聞以此招禍敗我國山川  
白頭祖聖祖降生有土宇然擯斥不收用使彼之  
名恨怒得無來敗後悔麗用南我棄吐得與失

臣識

置光軍

願為今獻

定宗二年以契丹將侵遼軍三十萬號光軍置  
光軍司

大遼謀攻我我亦有待彼衆雖牛毛我師亦辦對  
誰道吾東兵力弱三十萬人容肅之虜主親征多損  
傷遼寧再來終大衄先為不可勝實我戎之收效  
在目前國勢如盤石百姓皆兵豈無人今誰謀國置  
光軍光軍若置豈憂虜誰將此意聞吾君

雙學士

文風

始可貴流弊則千萬世矣



雙無後周人仕周為武勝軍節度巡官試大理  
評事光宗七年從冊封使薛文遇出來以病留  
及愈引對稱旨光宗愛其才表請為僚屬遂擢  
用驟遷至翰林學士未逾歲授以文柄始建議  
設科遂知貢舉以詩賦頌策取進士自後屢典  
貢舉獎勸後學文風始興

雙學士何如人中國儒高麗臣不有遭逢寧有此科  
舉之設實倡始文風雖興長浮誇小中舉彌徒虛華  
聲容漸盛武備衰流弊到今無奈何恨不當初倡正  
召不見人寸得失不繫此花郎取士亦為國

新羅  
無科

取人

捨宅請

有激之言然若此今時則天淵矣

光宗厚待授化漢人擇取臣僚第宅及女與之  
一日大匡徐弼奏曰臣居第稍寬願以敵馬光  
宗問其故對曰今授化漢人擇官而仕擇屋而  
處世臣故家反多失所臣愚誠為子孫計宰相  
居第非其有也及臣之存請取之臣以祿俸之  
餘更營小第庶無後悔光宗怒然卒感悟不復  
奪臣僚第宅

慕華得華人擇官仍擇屋臣願捨臣宅宅大屋不得

麗時立賢雖無方便至於此誠殊常我朝一切不用  
容其如事理恐過當聖帝明王若處是雖不為彼亦  
不此惟其得中而已矣胡可使越可使不獨中國之  
來士

古長城

古人勤勞如此今人將舉天塹而棄之

可惜

德宗二年命平章事柳韶創置北境關防起自  
西海濱古國內城鴨綠江入海處跨威遠興化  
靜州寧海寧德寧朔雲州安水清塞平虜寧遠  
定戎孟州等十三城抵耀德靜邊和州等三城



東傳于海之都連浦延袤千餘里以石為城高  
厚各二十五尺

古長城基尚在尾都連首國內二十五尺高一千三  
百里築此防胡虜勞苦亦云至我朝擬天塹重關仍  
複巔地理陪古勝如何猶不覺苟能守其要虜豈敢  
窺境

清平山 世寧有紉綺中出斯人乎

李資玄字真精中書令子淵之孫侍中題之子題  
三妹皆配文宗家世貴顯資玄容貌魁偉性聰  
敏登第為大樂署丞忽棄官入春州清平山葺

文殊院居之蔬食布衣以禪道自樂睿宗遣內  
臣賜茶香金帛累詔徵之資玄曰臣始出都門  
誓不復踐京華不敢奉詔遂上表曰以鳥養鳥  
庶無鍾鼓之憂觀魚知魚俾遂江湖之性王韋  
南魚名之未幾還山常於洞中幽絕處作息庵  
團圓如鵲卵只得盤兩膝默坐其中或數月不  
出卒謚真樂

鵲卵何團圓容膝易為安都門何喧々一出誓不還  
節彼清平山高々不可攀

月廷沉

湖名在京城外十里許松  
蓋永名朝士之死所也

今古一體其可

不善待此輩乎傷哉傷哉

毅宗即位好遊行築臺館園池無歲無之日與  
金敦中林宗植李復基韓顥等諸文士酣宴唱  
和樂而忘返二十一年聞城東沙川龍淵寺南  
有石壁數仞削立臨川曰虎巖流水停瀉樹木  
蓊蔚命內侍李唐柱等構亭其側名曰延福寺  
花異木列植四隅以水淺不可舟築堤為湖人  
甚苦之二十四年自延福亭將韋普濟寺駕近  
普賢院鄭仲夫李高李義方等作亂盡殺扈從  
諸臣及在京文臣初仲夫為牽龍除夕儼禮王



臨視交躍為樂內侍金敦中以燭燃仲夫鬚仲  
夫辱之敦中父富軾怒白王欲拷仲夫仲夫逃  
免由是憚之時王荒淫不恤政事遊幸無度每  
至佳境與諸學士唱和未已諸將疲困憤惋始  
有不軌之心加以宗植賴等怙寵傲物蔑視武  
弁衆怒益甚是年王韋和平齋又與近侍文臣  
觴詠將士飢甚仲夫曰文臣得意醉飽武臣皆  
飢困是可忍乎遂構免謀後王自延福亭將幸  
普賢院至五門前召侍臣行酒酒酣顧左右曰  
壯哉此地可以隸兵命武臣為手搏戲蓋知武

臣欲望欲因以厚賜慰之也。賴恐武臣見寵遂懷猜忌。大將軍李紹膺雖武人，力羸不勝而走。遽前批其頰。王與羣臣撫掌大笑。諸將皆失色。仲夫厲聲曰：紹膺三品官，何辱之甚！王執手慰解之。駕入院門，羣臣將退。高等殺宗植，復基賴匿御床高拔刀，費出即殺之。大小臣僚皆遇害，積屍如山。盡投湖中，使人呼於路曰：凡戴文冠者殺無遺。種卒伍蜂起，搜殺無遺。放王於巨濟，尋遇弒。初，鄭襲明以潛邸師傅及王即位多切諫，以嚴見憚，遂仰藥而死。王嘗遊幸酣樂，曰：

襲明若在吾豈至此乎

毅王好文事遊宴墨客詞臣相狎款延福亭前築儲  
水畫御龍舟夜未返君王一動從扈多醉飽者誰飢  
者怨手搏見辱燃燭鬚鋒刃奮起真斯頃文官殺死  
武官呼積屍如葦沉前湖王身國事後此休襲明若  
在有是不由來留連多喪國況此親兵懷憤毒君臣  
酣不知憂畢竟奇禍生肘腋至今過者心神死當時  
景象知何似數頃湖水色淨綠千秋冤血猶凝碧言  
之於邑豈終極

負人死 世道至此無乃天亦從人稱謂乎



高宗六年崔忠獻死是月月犯熒惑日官奏貴  
人死忠獻聞之召集樂工數十奏樂竟日至夜  
三更樂未闌忠獻果死百官縞素會奠秘器羽  
葆鼓吹旗常擬於王者忠獻始誅李義旼而起  
代執國柄殺戮文官連廢二主窮兇極惡人無  
敢忤之者身死之後子孫四代連執國命

朱門奏樂喧老賊死牖下國家失常刑哀榮等王者  
皇天垂象示咎徵逆魁便當貴人應此理莫曉將何  
憑麗朝上下五百年悍臣相繼執國命繼前毖後終  
莫改無乃天定人難勝嗟乎男子山可鑒至今存後

王都松京韋勿忽此言

子男山在松都城巾街者謂以此山之故權臣世出云

撤城怨

弱國不能自立每如此

高宗十九年避蒙兵移都江華二十年築外城  
八保凡二十五年蒙兵連歲來侵列邑盡破勢  
不能支不得已議降蒙主曰汝國出陸乃罷兵  
遣使者周者等諭以壞城始壞江都內城蒙使  
督役甚急諸領兵不堪其苦曰遠結為隣遂絕  
交聘流其使三十人于海島繫索馳萬夫橋下  
皆餓死

乙  
五十首橋下皆餓死契丹滅渤海于我誠何事

屢被兵基禍實在此石梁平僊僊遺迹宛可記  
八關會 可為後日之殷鑑

麗祖祖訓第六曰朕所至願在於燃燈八關燃  
燈所以事佛八關所以事天靈及五岳名山大  
川龍神也後世奸臣建白加減者切宜禁止君  
臣同樂敬依行之初太祖元年十一月有司言  
每歲仲冬大設八關會以祈福乞遵其制從之  
遂於毬庭置輪燈一座列香爐於四旁又結二  
綵棚各高五丈餘呈百戲歌舞於前其四仙樂  
府龍鳳象馬車舡皆新羅故事百官袍笏行禮



觀者傾都王御威鳳樓觀之歲以為常至於麗  
止

毬庭結棚呈百戲百官袍笏肅將事八關大會斯為  
盛麗祖國首崇敬歲仲冬

憲宗晏駕時皇笏忽必烈在襄陽世子遂南轅  
及於梁楚之郊軟角烏紗幞頭廣袖紫羅袍犀  
帶象笏奉幣迎謁道左周旋可則羣僚以品服  
排班予後皇笏驚喜曰高麗萬里之國自唐太  
宗親征而不能服今其世子自來歸我此天意  
一大加褒獎適本國高宗薨告江淮宣撫使

之良弼曰高麗雖名小國依阻山海國家用兵  
數十年未臣附前歲世子僂來朝適鑾輿西  
征留滯者二年供帳踈薄無以懷輯一朝得歸  
將不復來宜厚館穀待以藩王之禮今聞其父  
已死誠能立僂為王遣送還國必感恩戴德願  
修臣職不勞一卒而得一國也皇弟從之是為  
元宗自後歸服蒙古又遣世子諶入朝帝遣斷  
事官不花護世子還國國人見世子辮髮胡服  
皆歎息至有泣下者蒙古俗剃頂至額方其形  
留髮其中世已開剃而國人則未也後漸為之

印公秀勸元宗劾元服也元宗曰吾未忍遽變  
祖宗之法我死之後卿等自為之

達旦兵威震夷夏少有嬰鋒無免者依山阻海竟何  
救生靈盡斃鋒鏑下麗朝力屈始議降王帛萬里朝  
大邦世子親將奉天王衣冠濟々迎路傍謀臣獻策  
厚館穀從此三韓自歸服尚主至結舅甥親變俗漸  
將夷其人辨髮歸國仍開剗耆老見之皆流涕汝身  
尚可吾不可王心未忍今廢禮後來未免舉國從百  
年胡服行吾東我願君王勤修德莫以千里為人後

人叛

此可為後世至戒



不崔瑀專國以國中多盜聚勇士每夜巡行禁  
暴因名夜別抄又盜起諸道分遣捕之其軍遂  
衆因分為左右又以國人自蒙古逃還者為一  
部號神義軍是為三別抄權臣執柄以為爪牙  
厚其俸祿或施私惠又籍罪人之財而給之故  
權臣順指氣使爭先効力金俊之誅崔頴林衍  
之誅金俊宋松禮之誅惟茂皆籍其力及王復  
都舊京三別叛懷疑貳遣使罷之取其名籍三  
別抄恐以名籍聞於上國益有叛心將軍裴仲  
孫盧永禧等作亂使人呼之曰狄兵大至殺戮

人民欲輔國者皆會廷須史國人大會別抄  
禁人出入巡江大呼曰凡在舟不下者悉斬之  
聞者皆惧而下或欲發舡賊乘小艇追射之皆  
不敢動城中人驚駭散匿林藪婦女童稚哭聲  
滿城乃發庫兵分給軍卒賊度江卒不可守乃  
聚舡艦悉載公私財貨及子女南下舢舨相接  
無慮千餘艘時百官咸出近而其妻孥皆為  
賊掠笑聲振動天地賊初據滁嶺後入耽羅元  
宗命金方慶無請蒙兵與蒙將忻都阿海等凡  
一年始得平賊蒙人子女玉帛為其所有悉自

而歸

悍臣專國家兵盛強寇壓境勢不竟入海幾年還出  
陸前者避狄後歸命殲寇莫使反側安已亂可平將  
亂難別抄掠徒分至三養虎寧不自遺患君王近詔  
返舊京百官濟々皆從行一朝倡亂據留都子女王  
帛空滿城樓舡千艘下南極席捲公私不遺力蒼黃  
聞變無奈何原野徒轟震天笑竟借胡兵掃兇醜妻  
孥何曾為我有君莫說當時事至今鬼之猶塞氣我  
謂幾者動之微識者深憂無不至

萬卷堂

讀書何用



忠宣王以前王入宿衛子 值成宗皇帝崩與  
皇姪及右丞相答剌罕等定策迎立武宗皇帝  
遂封瀋陽王貴寵用事開萬卷堂於燕邸以李  
齊賢充府中近致文儒姚燧陶復趙孟頫虞集  
等與之從遊以考究書史自娛時忠烈王淑昌  
院主金氏文衍之妹忠烈薨王自元奔喪到文  
衍家與院主相對移時人頗疑之仍燕馬監察  
糾正禹倬白衣持斧上書極諫王有慙色未久  
進封為淑妃

贊定大計萬卷堂燕京邸陶姚虞趙皆名儒

一門何濟、文彩風流盛於斯、聰明稽古稱當  
時、講學所以明人倫、淑昌院主胡為妃、聖經賢傳空  
爾為萬卷、雖多無所用、於詩只取牆有茨

阿也麻 雖無此謠其能免乎

忠惠王淫縱無道、慶華公主元女、忠肅王之妃  
也、一日公主邀宴酒罷、佯醉不出、暮八卧內公  
主驚起、使人扶之、使不得動、且掩其口、遂蒸焉  
公主恥之、欲還于元、且化畏、吾兒書通其事、王  
遮路禁之、不得元托以告、庙頌赦遣使偕奉國  
宦者高龍普來王率百官朝服、聽詔于征東省

元使蹴王縛之王急呼高院使龍普叱之拔刃  
執侍從羣小百官皆走避匿即掖王載一馬馳  
去帝以檻車流揭陽縣諭曰爾王禎為人上而  
剥民已甚雖以爾血啖天下之狗猶為不足朕  
不嗜殺是用流爾爾無怨我揭陽去燕京二萬  
餘里無一人從行王手持衣袂而去傳車疾驅艱  
楚萬狀薨于岳陽縣初宮中及道路歌曰阿也  
麻古之那從今去何時來至是人解之曰岳陽  
亡故之難今日去何時還云

畏吾兒書  
回鵬書也

岳陽此去何時還畏吾書遮路截留誠亦難



不食其餘禽犢之行言可辱院使雖呼反見  
縛行路難辛自持紱自取之禍何須說阿也麻當時  
宮中歌未闌

三帥冤 自古如此忠臣義士所以解體也

恭愍王十一年十一月紅巾賊沙劉蘭先生潘  
誠朱元帥等十餘萬衆渡鴨綠江王遣李芳實  
等柵岳嶺禦之賊以鐵騎攻破柵門我軍大潰  
王及公主奉太后南奔福州賊陷京城留屯數  
月殺牛馬張皮為城灌水成冰人不得緣上又  
屠炙男女或燔孕婦乳為食以恣殘虐王以鄭

世雲為提兵官督諸將 賊明年正月世雲督  
安祐金得培李芳實等二十萬兵進圍京城奮  
擊大破之斬賊魁沙劉蘭先生等十餘萬級遂  
平開京初金鑪與鄭世雲俱為王所寵及世雲破  
賊恐為王所重乃 旨密諭祐等使啗世雲祐  
芳實就得培帳議之曰今甫平寇賊豈宜自相  
剪滅若不獲已執致闕下聽上區處不亦可乎  
祐芳實退歸復來言曰討世雲君命也我輩成  
功而不奉君命其如後患何得培堅執不可祐  
強之使人邀世雲於座擊殺之鑪遂白王曰

等擅殺主將是不有殿下也罪不可赦祐凱  
還謁行宮使門者撻其首祐辭色不變三指所  
佩囊大呼曰韋少緩顧至上前獻囊書就戮撻  
者更擊殺之遂捕芳實得培并誅之芳實子年  
甫十餘遊於市街人爭饋以物曰今我軍獲安  
寢食皆三元帥之力也至有泣下者

紅頭賊百萬兵闌入塞垣蹂躪開京君王蒼黃奔福州  
滿城士女遭屠烹桓杖鉞三元帥許國胷中血一  
斗長戈一揮二十萬蹴彼堅城如拉朽軍中半夜傳  
密旨賊傭計斂兵死真偽未覈遽奉行不過當時



錯料事目以無上加其罪反覆原情寧有是元勳未  
酬俱就戮寃氣千年射天紫韓彭趙監岳飛誅自古  
功臣多類此君不見市人爭先哺孤兒魂若有知魂不悲

阿只問 難易言

麗史言禍小字年尼奴辛眈婢妾般若若之出也  
恭愍王常憂無嗣一日微行至眈家眈指其兒  
曰願殿下為養子立後王睨而笑不荅然心許  
之及眈流水原王語近臣曰予嘗至眈家韋其  
婢生子無令驚動善保護之眈既誅王台年尼  
納于明德太后殿謂侍中李仁任曰元子在

無憂矣因言有美婦在眈家向其宜子遂幸  
之乃有此兒欲以為嗣遂名禍封為江寧府院  
大君冒稱故宮人韓氏出追贈韓氏三代遂嗣  
為王般若嘗夜潛入太后宫啼號曰我實生主  
上何母韓氏耶太后黜之仁任下般若獄臺諫  
巡衛府雜治之竟授子臨津初恭愍王嘗謂代  
言林樸曰汝知阿只事矣蓋樸出入眈家最故  
故也及眈被誅遣林樸數其罪焚誓書眈初聞  
樸來喜曰王必召我矣阿只思我矣蓋自謂有保  
護之功也

阿只方言  
小兒之稱

問阿只誰氏子林代言知阿只逆眈臨死言阿只思我矣阿只竟亡國姓辛傳後史問阿只誰氏子

攻遼誤 崔瑩難免誤國之罪於千萬世之下矣

麗朝自元宗事元忠烈王遂尚主結舅甥之好  
幾百餘年忠宣王以下皆元外孫也代有其國  
大明初興恭愍王雖以義主事之一時議論多  
以不可輕絕北元為言鄭道傳朴尚衷等諸人  
主事明李仁任池裔等諸人主事元互相詆斥  
至有被罪者及崔瑩當國 天朝適有鐵嶺立  
之舉遂倡事元之議決計攻遼竟至易命愚



聞諸秘史於先正當時我太祖功名日盛  
且有李氏當王之說瑩實忌之而無辭加罪因  
使攻遼使得罪於上國因以除之遂生此計云  
此實大誤安有空國授之以兵欲危人以自安  
而不反中其禍者乎豈但一身不保而已乎無  
乃老而昏乎

百年舅甥好天下義宗主玄陵審輕重大計定捨取  
鐵嶺置衛誠細事新造大國為何似白髮侍中老益  
戇焉敢容易生他意聞道當初亦有以畢竟錯料誤  
大事他事可誤此不可既誤之後定難救麗祚告終

殆天數

風色惡 天時人事可知文忠忠則忠矣非真儒  
以道徇身者也

麗末圃隱鄭文忠公以真儒王佐才出為世用最  
為 聖祖所知屢辟幕下回軍之後同升為相  
文忠與金震陽諸公忘身循國欲扶社稷時  
聖祖功業日盛羣下歸心勢難終於北面文忠  
恊謀傾之 太宗嘗告 太祖曰鄭夢周豈負  
我家 太祖曰我遭橫讒夢周以死明我若係  
國家有不可知及文忠心迹倡著 太宗設

請之作歌侑酒曰此亦何如彼亦何如城隍  
堂後垣頽落亦何如我輩若此為不死亦何如  
文忠遂作歌送酒曰此身死了死了一百番更  
死了白骨為塵土魂魄有也無向主一片丹心  
寧有改理也歟太宗知其不變遂議除之文  
忠一日尚病於太祖邸仍察氣色歸路過故  
酒徒家主人出外階花盛開遂徑入呼酒於  
花間曰今日風色甚惡甚惡連嚼數大碗而出  
其家人恠之俄聞鄭侍中遇害矣文忠之自太  
祖邸歸也有橐韉武夫衝其前導而過變色顧



謂隨行祿事曰汝可落後荅曰小人從大監何  
可他往乎再三呵止亦不從文忠之遇害抱持  
同死當時蒼卒無人記其姓名遂不傳於後世  
今日風色雖甚惡階上含杯舞亦樂全裝武夫衝馬  
過慎莫詰問知能那五百年綱常一身都自任白骨  
委塵土未改向主心相公一死分內事彼錄事誰氏  
子生從相公生死從相公死君不見  
勲臣盡是麗時食祿人  
聖朝開國策

還八朝

處事明決若此戀

櫪者霄壤判矣

末聲岩金公湊奉使大明及還到江上聞

祖受禪即還入朝遣僕雙履於家人曰以我  
還入之日為忌辰云遂告於高皇帝請興師  
問罪帝曰帝王之興自有天數難容人力問  
曰爾在本國何官對曰禮曹判書遂給尚書祿  
終身居於荊楚之間生二女壬辰天兵之來有  
許遊擊者自稱外孫云同時王乃宗姓以才顯  
仕至八道都觀察使亦奉使上國革命後還來  
竟與王氏同族

去時辭舊主舍命朝帝闕來時開新主此江不可越  
手持高麗節口食天朝祿有是首陽岳無飢也非惡

吁嗟乎王相國

八山笑 噫若遭遷代之際誰不逢此

麗末牧隱李公二子種學種德皆登笄貴顯革  
命後不二其心皆以杖殯牧隱退居驪州之村  
墅一日門生來謁公携之引入深谷門生莫知  
其故及至人迹所不到處放聲終日痛哭始與  
俱出曰今日稍豁吾脅云蓋傷二子之死也

無聲煩我心有聲落人耳兩思無一可不如走入深  
山裡舉聲終日笑父子之情豈終極腸寸斷眼長枯

見此事無



隱麗末嘗有詩曰松軒當國我流離夢裡何  
曾有此事松軒 太祖軒號 太祖最與親切  
平日多被薦引故云

壽畫坊 處身不以道欲徼常福難矣

鄭道傳嘗仕麗朝貴顯及麗運告窮知天命之  
有在遂附 聖祖化家為國謀畫居多為開國  
元功 太祖以嬖欲立芳碩為嗣道傳順旨奉  
行元來我朝創業 太宗之力與唐宋二宗相  
似地業勢逼羣下疑之家人勸道傳改畫答曰  
我既負王氏今又為此入謂我何遂不從及定

社兵起 太宗率騎親臨執道傳出跪於馬首  
道傳曰小臣指使可知不敢有他意願乞命宮  
奴者介自後叱曰口亦肉勿多言以利刀刺其  
項死於街上初 太祖定昇漢京闕城門坊  
里橋梁名號皆道傳所撰作第於兩闕之間曰  
吾富貴已極願壽命極盡遂名所居坊曰壽坊  
坊未幾遇害人以爲言讖云

壽盡坊開甲第相公一時官濟之富貴功名稱吾意  
但願百年長保此壽盡名坊良有以壽盡坊連社闕  
騎紛如雪禍機之來真一髮小臣指事定可

從前爾反覆勿多言口亦肉言猶未已頸血  
注壽盡坊屍橫路

剃髮主

慶善公主乃 太祖之女與芳蕃芳碩俱出於  
神德王后下嫁興安君李濟芳碩之難興安亦  
死 太祖親臨剃髮泣然流涕

娘子失所天子然在青年不如事法王了此一大緣  
世上父子情帝王同凡賤自古托生人天家多不顧  
白衣來 麗末一人而惜其書之不傳

元天錫原州人麗末不仕隱居本州 太宗在



潛邸時與之有舊及為上王特命召致天錫以  
白衣來謁引入闕內道故若平生歡仍召諸王  
子出見尚曰我孫如何天錫指光廟曰此兒  
酷似乃祖且曰嗟須愛兄弟須愛兄弟平生著  
書藏之一篋封鎖甚固臨終遺言曰子孫非聖  
人慎勿開見其家藏置廟中子及孫時未曾開  
鎖至于曾孫一日時祀宗族齊會出言曰先祖  
雖有遺言歲月已久必無所嫌今則可以開見  
否衆皆曰諾遂開櫃乃是麗末野史多與國史  
同既見之後恐難終掩仍以獲罪遂焚之惟

者詩二卷在多詠時事逐題註解辛禍以前  
曰國家恭讓王以後則曰國八朝則但曰新國  
云矣

白衣來自草萊紫袍坐開玉座但見故人思不見千  
乘尊此行竟何事應對惟一言君不見櫝中之書成  
灰塵曾謂子孫生聖人當時著述空勞神

寒羹郎 最為患者英雄之不見用愚為世憂

世宗即位治化日新制禮作樂賁飾太平文章  
節義之士布列於朝若跡跡不羈之人多沉於  
下韓忠成公明澮年四十餘猶為忠順衛人無

知者時諸王子覺迎賓客文人才子盡歸於安  
平大君 光廟時為首陽大君無以加彼忠成  
偶仍進謁大被器遇密獻策曰世道有變文人  
無用進賜頒結武士荅曰何以能之忠成對曰  
此最易托以習射大設酒饌逐日往慕華館訓  
鍊院射帷曰饋武士則盡可締結遂用其策數  
月之內遍交武士遂靖內難因受內祿每忠成  
來謁光廟親引密室終日接語內人每告朝食  
輒曰姑徐或至日午羹炙屢寒及即位忠成超  
為相一日引入御內顧謂貞熹王后此是我



日寒羹郎也

宮門金鎖平朝開，四十忠順曳履來，促坐密語忘飢渴，街上饔餼午鼓催，宮娥調羹煖更寒，王子當時未朝餐，運策靖內難，翊戴我聖王，勲業柱天地，竹帛爛輝光，回首語內殿，此我寒羹郎，英廟重養育，揔文人才子，英雄或散逸，國內始多事，早將一官絳斯人，未必効用能如此，吁嗟乎何莫非天意，估畢齋銘忠成

孫景琦墓曰忠成公勲業柱天地云云

臨沒嘆人之將死也善心自萌乃是常理

申文忠公叔舟少與成三同朴彭年諸公齊名

同在玉堂俱受 顯陵托孤之教 光廟受禪  
成朴諸公盡節不二皆被極刑文忠宣力王家  
位至上相年五十六卒臨沒喟然曰人生會當  
止此而死矣蓋悔心之前云

世上百年內畢竟了此生生前富貴重死後節義榮  
取舍既已審不必嘆臨終君看青史上萬古多如公  
丙子作心與事違古人亦有如此者

李石亨延安人 英廟朝登三壯元名冠一時  
最與成三問朴彭年諸人相切 光廟受禪適  
丁內憂服闋即除金羅監司丙子六月二十五

日成三問等獄事起石亨以外任之故不為連累二十七日巡到益山聞諸人盡死遂題一詩懸于壁上書曰丙子六月二十七日作詩曰虞時二女竹秦日大夫松縱有哀榮異寧為冷熱容其時臺諫啓請鞫問詩意光廟覽之曰詩人命意不知所在何必乃爾事遂止先是高麗掌令徐甄入我朝不仕退居于衿川一日作詩曰千載神都隔漢陽忠良濟々佐明王統三為一功安在深恨前朝業不長臺諫亦請鞫英廟答曰徐甄不仕本朝元無可問之事李氏宗社



豈能傳之萬年有臣如此亦可嘉矣置之事亦  
解

丙子六月廿七作拙在金馬之軒壁虞竹秦松意何  
在徒勞請鞠論藉之天心有主事包容一言溫潤如  
春融豈不感激臣深衷前朝掌令亦有此英廟當  
年嘉節義植我綱常遺後嗣家法相傳真有自

相公來久在相位吾未知其可也

燕山末年政亂成希顔等密謀廢立時金文景  
公壽童為左相成公已與諸人定議往白金相  
于家金公聞言良久答曰豈有一宰相便來遽

以是為言我爾須斷吾頭而去曰仲頸出案成  
公惶恐伏地更言曰宗社已危吾輩不得已為  
此謀實是推戴晉城大君爾時 中廟以介冑  
居潛邸金公曰若然則我亦當往爾須先去成  
公起出金公徐整衣冠辟人而來時靖國諸公  
皆以戎服率軍結陣于昌德宮前金公到陣下  
馬徑入據上座即召兵曹判書詢曰爾等遣軍  
護衛晉城大君第耶荅以未及即曰判書須親  
率軍人往衛仍入闕廢出燕山泣曰老臣不死  
忍見此事然殿下失人心太甚亦復奈何好保

而往云々遂迎立 中廟其後辭職家居而卒  
相公辟除動地來陣門次笏皆洞開紗帽犀帶身頎  
頎緩步徑據中台位惟言遣衛晉郎未亦知蒼卒能  
辦此不獨端重專稱美噫嗟々改玉之後尚可仕恨  
不戊午與甲子

金公早年登第為注書善於其職蔡叅判壽時為  
承旨愛其端重遂以名其子故蔡判書紹權小  
字乃壽童也愚謂燕山戊午甲子之禍士類盡  
殲以文景公之賢引退不在其時而乃在靖國  
之後君子責備於人寧不為之三嘆也哉









